

Tèsàlònìkà
ǒ Kànìsà tò Pòlò andí wemberè
tí bhàrɔwà
Yàrí bhàrɔwà ǒ ì nòtù
ádròdrǒ dhu tí dhu

Yàrí ní wemberè tí Pòlò andí Tèsàlònìkà tó kigò ǒ pbàkrìstò tò bhàrɔwà. Kǎndí ka mbèmbè imbò kumì dòná atdí nà atò ɔdà Yèsù ka kùgù dhu-dzidǒ rórò. Obhó tí, Pòlò mà, Sílà nà náawù ùvò ndi kigò ǒ, Pòlò ràdù Yèsù Krìstò bhà Ídzi Màkǔrù núnò abádhí tò (Kas 17.1-10). Tèsàlònìkà tó kigò ǒ kànìsà ǒ, ìnzí ní Pbàyàhúdì ní'ì abhɔ nyú, pbétù Pbàyàhúdì nyú ràdù ì'ì ngúfe. Ngúfe idhɔ dzidǒ, Pbàyàhúdì nzínzì ǒ atdídhená ale náadù dhu ɔya ìndrù tò, ìnzí Pòlò mà, Sílà nà rǎnɔna dhu niri tí.

Jyǒ atò dzidǒ, Pòlò avì Tìmòtewù ràrà Tèsàlònìkà arí Yèsù ná'ù ale arí òko tí dhu andá. Ní ányì Tìmòtewù àrà àhɔ, ndàdù ndàdu rò, kitsi àtìná Pòlò nǐ ìnè abádhí rǎrǐ'ì fíyó a'uta nódo ì arí ró. Kǎtì átò abádhí nzínzì ǒ atdídhená ale tó ìrèta nínza dhu rǎrǐ abáyà mà, ayíya mà, ndirò odhíya mànà núve ìnzá Yèsù àpè ìngo rórò dhu. Ní abádhí rǎrǒwu dhu òngù rǒ tsùyá kǒkò ùvǔve ale ralaya tí tdǔ Yèsù-ngbò. Ndi dhu-okú dò rò ní ndi, Pòlò náandí bhàrɔwà abádhí tò, ndínǐ abádhí-afí otsi tí ɔbi nǐ, abádhí ɔni tí Yèsù Krìstò rǐngo dhu ní'íya tí dhu, ndirò ndì ná'ù ale kǒnziya tí dhu. Ndi dhu bhěyi ní ndi, abádhí rǐ

dhu à'ù inè ì rí'iyá atdíkpá ndi Ádrùngbǎle mànà dhòdhódhónganà.

Bhàruwà-nyìtì ka kóhù tí dhu

- Pòlò mà rí Tèsàlònikà ò Kànìsà nóvì dhu mà abádhí rí òtsò àbhù Kàgàwà tò abádhí-okú dò rò dhu mànà dhu (1.1-10).
- Pòlò mà anzì kasu tí Tèsàlònikà ò kànìsà ò dhu (2.1-16).
- Pòlò rí Tèsàlònikà ò bhà nózè ndàlā dhu mà kavi Timòtewù rārā abádhí-afí òpè dhu mànà dhu (2.17-3.13).
- Pòlò rí Yèsù ná'ù ale ònzi ròkò Kàgàwà-nyìkpó nòfò dhu bhěyi dhu (4.1-12).
- Yèsù ì a'ù rórò uvè ale núungbeya ì dhu (4.13-18).
- Ádrùngbǎle Yèsù ná'ù ale àkǎ 'òkò tí kà ríngo ònà idho òdo ì í ònanǎ dhu (5.1-22).
- Pòlò rí pbàkrístò òvì dhu (5.23-28).

Pòlò mà rí Tèsàlònikà ò Kànìsà nóvì dhu

¹ Ima Pòlò, Silivanù, Timòtewù mànà, mà màndí yàrí bhàruwà fùkù, Tèsàlònikà tó kigò ò kànìsà tírò. Nyí ní Àba Kàgàwà bhà ale, ndirò nyí ní Ádrùngbǎle Yèsù Krístò bhà ale. Ní, Kàgàwà àkǎ ndàso nyí, ndàdù nyǎbhù nyòkò màrùngà ò.

² Mǎ mǎrí òtsò nábhù bilínganà Kàgàwà tò okúkù dò rò, màdù àmbe nyíre dǎ fàkǎ itsòta ò. ³ Ndirò, màtsò mà mí àlě t'Ábanà Kàgàwà-ònzí rò, mà mǎróngo ìrènà ìnzí mà múbhana rórò dhu ní, fùkù a'uta-kàsù mà, fùkù àzè arí nyǎbhù nyònzí kasu tí dhu mà, ndirò ní, nyí nyá'ù dhu obi nyú nà ìngo àlě tó Ádrùngbǎle Yèsù Krístò ringoya dhu. ⁴ Adódù, yà atdíđǎ ma

móze nyí rò, mǎ m̀̀ni dhu Kàgàwà róze wà nyí, ndirò kà r̀̀vò wà nyí, nyí'ì p̀̀bìndà ale tí. ⁵ Obhó tí, yà f̀̀k̀k̀ mǎ m̀̀vò f̀̀aká Íd̀zì M̀̀ak̀r̀r̀ ní mǎ m̀̀vò nzá ɔte ǒ tí. P̀̀b̀t̀t̀, mǎ m̀̀vò ka Ɔl̀l̀-Alafí bhà ádr̀̀ngb̀̀nga tó ɔbi mà, k̀̀bhà m̀̀dz̀̀nà m̀̀nà nǐ, m̀̀d̀d̀ dhu à'ù wò mǎ m̀̀vò f̀̀k̀k̀ dhu r̀̀r̀ obhó dhu nyú. Ndirò, nyí nỳ̀ni wà ìngbà dhu bh̀̀yi m̀̀t̀ ǹz̀ǹz̀k̀ ǒ mǎ m̀̀k̀ dhu ǹb̀h̀ id̀z̀ng̀ f̀̀k̀k̀ dhu. ⁶ Ndi dhu bh̀̀yi ní ndi, f̀̀k̀k̀ okota ǹf̀̀ ndì f̀̀aká okota nà, nd̀̀d̀ nd̀̀f̀̀ Ádr̀̀ngb̀̀le Ỳ̀s̀ bhà adita nà. Ndirò, ábh̀ ̀p̀b̀ nyú ǒ rò, nyí nỳ̀d̀ Kàgàwà bhà ɔte náko, Ɔl̀l̀-Alafí ǹr̀ nyí nǐ dh̀̀d̀ nyú nà. ⁷ Ndi dhu bh̀̀yi ní ndi, yà nyí nỳ̀nzina dhu nádi wà id̀zì ɔf̀̀ tí M̀̀k̀d̀niyà mà Àkayà m̀̀nà tó p̀̀b̀r̀ ǒ Ỳ̀s̀ ná'ù ale tò. ⁸ Obhó tí, f̀̀r̀bv̀ rò nga ní ndi, Ádr̀̀ngb̀̀le Ỳ̀s̀ d̀̀ r̀̀te Íd̀zì M̀̀ak̀r̀r̀ ǹnd̀ ndì nǐ. K̀̀nd̀ nzá ndì M̀̀k̀d̀niyà mà Àkayà m̀̀nà ǒ tí, p̀̀b̀t̀t̀, nyí nỳ̀'ù Kàgàwà tí dhu-òyí náka ábh̀ ngari nyú ǒ. Ní, wò dhu d̀̀ mǎ m̀̀nona td̀td̀ dhu r̀̀'ì mbǎ. ⁹ Ndirò, ìndr̀ r̀̀wu àwenà r̀̀ dhu ní, f̀̀r̀bv̀ mǎ m̀̀wù ùvò tí dhu. Ndirò, abádhí r̀̀wu àwenà r̀̀ dhu ní, nyí nỳ̀g̀èè nyí nỳ̀'ù Kàgàwà, nỳ̀d̀ s̀̀nam̀ ǹbhà dhu. Ndi dhu bh̀̀yi ní ndi, nyí nỳ̀r̀ íp̀r̀ng̀ mà obh̀ng̀ m̀̀nà tó Kàgàwà-k̀s̀ ǹnzi. ¹⁰ Ndirò, nyí nỳ̀r̀ Kàgàwà t'Ídh̀nà, Ỳ̀s̀ r̀̀ngò òr̀-akpà ò rò dhu ǹd̀. Ndi Ỳ̀s̀ ní ndi Kàgàwà ábh̀ r̀̀ngb̀ ndì ibhu ò rò, nd̀ǹ àl̀ ǹẁ tí yà r̀̀rà ìndr̀-ànyà t'ít̀d̀t̀ tó p̀̀b̀ndà ǹwí ǒ rò.

2

Pòlò rĭ Kàgàwà bhà Ídzi Màkürù núnɔ Tèsàlònikà ǒ dhu

¹ Adódǔ, nyĭ nyú mà nyĭ nyùni wà dhu inzà mà rówù ùvò kòkórò fǔrábvù. ² Nyĭ nyùni wà dhu átò, tdǔ mà mowu ùvò fǔrábvù rò, mà rábà àpbè, kadù dhu ùnò mà nĭ Filipi tó kigò ǒ. Pbéù, ábhǒ àpbè nzínzi ǒ rò tí, Kàgàwà ábhù afíka ròtsi obi, mǎnò pbìndà Ídzi Màkürù fǔkù. ³ Obhó tí, yà fǔkù mà múyǎ dhu ní'ì nzĭ afátá, ka ní'ì nzĭ nzére irèta mà, ndirò ka ní'ì nzĭ utrátá mà. ⁴ Pbéù, Kàgàwà ózù ndi mà iwà mà màkǎ mǎnò pbìndà Ídzi Màkürù indrǔ tò ale tí. Ní mà mí nzĭ àdù kùnò indrǔ-nyìkpó nǒfó tí, pbéù mà mǎdù kùnò Kàgàwà-nyìkpó nǒfó tí. Ka ní ndi ale-afí-tsi dhu mà núnĭ arí ale. ⁵ Obhó tí, nyĭ nyùni wà dhu inzà mà rǔhà indrǔ akekpa màtí òtĕka ǒ. Ndirò òtĕka ǒ, mà mónè nzà indrǔ-fó mà mí dhu òngyè dhu. Kàgàwà nyú nditírò ní ndi yà mà múnɔna dhu tó ngàmbì. ⁶ Ndirò mà manè nzà indrǔ rĭ mĭfǔ dhu, ìmbǎ rì'ì nyĭ nyú màtí, ìmbǎ rì'ì ngǔkpa ale màtí. Mà mí'iyana inè mà'ε mà dùkú àzèmbè Krístò bhà uvitatále nyú ní mà rò. ⁷ Pbéù mà mǎdù òko nzínziku ǒ yɔrɔwà nyú nà. Àdhàdhì ndi ndaróngùna inzo nózè ingba-tsàna bhèyi, ⁸ mà mózè nyĭ atdidǒ. Ní, mà mazè nzà mǎnò Kàgàwà bhà Ídzi Màkürù kèlè fǔkù, pbéù atdyúka nadù ì'ì átò mǎdzi fàkà ípìrǒnga nyú okúku dò rò, fàkà àzè nítrò ndi abhɔ nyú fǔkù nídhunĭ. ⁹ Adódǔ, nyĭ nyèrè wà mà mónzì kasu tí dhu mà, yà mà mábà àpbè mànà. Mà mówù

Kàgàwà bhà Ídzi Màkürù núnò rǒ fǔkù àzèmbè mǎ mí kasu ònzi adyíbhengá, ndirò kúbhingá màtí rórò, akye mǎ mowuna ì'ì ànò tí nzínziku ǒ atdí ale dǒ màtí nǐ.

¹⁰ Nyǐ, Yèsù ná'ù ale tírò, mǎ mókò nzínziku ǒ ìlǐlǎ ófò ǒ, àkǎkǎ ófò ǒ ndirò ìmbǎ nzéere dhu tí ka kózùna dhu rǐ'ì ònà ófò ǒ. Nyǐ ní ndi dhu tó ngàmbì, ndirò Kàgàwà ní átò ndi dhu tó ngàmbì.

¹¹ Nyǐ nyùnì wà dhu átò mǎ rókò kóró nzínziku ǒ ale mànà àdhàdhì inzo t'ábanà mà náaróko pbì inzo mànà dhu bhěyi. ¹² Mǎ mówù dhu ùyǎ rǒ fǔkù, mǎdù òwu afíku òpè rǒ. Ndirò, mǎ mówù nyònzì rǒ obi nyú nà, ndínǐ nyǐ nyubhì tí Kàgàwà ózè dhu bhěyi. Ndi Kàgàwà ní ndi nyǐ núnzi ndínǐ nyǐ nyotsú tí pbìndà ádrùngbǎnga tó idzi ò, nyǎdù pbìndà ádrùngbǎnga tó awáwù nála.

¹³ Ndirò, yàrí ní ndi yà ìnzǐ mǎ mí mǐngyě rórò mǎ mǎrí òtsò nábhu nǐ Kàgàwà tò okúna dò rò dhu: Nyǐ nyírì yà fǔkù mǎ múnò Kàgàwà bhà Ídzi Màkürù. Ní, nyǐ nyǎdù kàko ìnzǐ ní ìndrǔ-li'ò rò àhu ɔte bhěyi, pbétù nyǐ nyáko ka Kàgàwà-li'ò rò àhu ɔte bhěyi. Ní, ndi ɔte ní Kàgàwà bhà ɔte. Ndi ɔte ní ndi nyukutsì rǐ kasu ònzi nyǐ Yèsù ná'ù ale tírò. ¹⁴ Adódù, ndi dhu nìtè dhu ní, yà Yùdeyà tó pbìrì ǒ, Kàgàwà bhà kànìsà ǒ Yèsù Krístò ná'ù ale rǒ ndi nanzì dhu, nónzì wà ndi átò rùkù dhu. Nyǐ nyábà àpbè fùkù pbìrì ǒ bhà nyú fò, àdhàdhì abádhí náabà àpbè inzà Yèsù ná'ù Pbàyàhúdì-fó dhu bhěyi tí. ¹⁵ I Pbàyàhúdì ní ndi Ádrùngbǎle Yèsù nabhù kohò, ì ràdù pbànábì nábhu kokyè. Abádhí ní ndi ròkà ávu. Abádhí rǒnzina dhu arí nǐ Kàgàwà-nyìpkó nófò, ndirò

abádhí nóngò kóró ale tó òmvũ tí. ¹⁶ Abádhí arí tsuka àpà 'ùtò ìnzí mǎ mɔvɔ tí ògù tó ɔte ìnzí ní pbàyàhúdí tò, akye abádhí adùna ùgũ nǎ. Ndi dhu bhěyi ní ndi, abádhí nísě yà angyangyi ì arónzina fiyó nzéřenga-bvũ. Pbétù, Kàgàwà bhà nàwí rǐsǐ ìsǐ abádhí dǎ.

Polò rǐ Tèsàlònikà ǎ bhà nózè ndàla dhu

¹⁷ Adódǔ, ka kùtũ mǎ mǔbhǎ mǎ nyǐ mànà ale- ngbò ò rò ídǒ kàsũmì kèlè tí. Pbétù ale-afí ònǎ rò, àlě kí'ì ìnè atdíkpá. Atdyúka nyú ní'ì àlě ràla àlě nyǐ mànà. Ní mǎ mónzì kóró ɔbi ndínǐ ndi dhu náaká tí fǎkà. ¹⁸ Ndi dhu ìtè rí dhu ní, mǎ mómvu mǎ mǔwù fǔrǎbvũ. Ndirò ima nyú Polò, ma mómvu wà dhu ibí-gùna nyú, ndínǐ ma mara tí fǔrǎbvũ. Ní, pǔmɔvɔ Sitanì ádù ndi otu nútò ròkà. ¹⁹ Nírò, ádhi mà nyú ndi fǎkà a'uta rǐ'ì dòyá? Ádhi mà nyú ndi idhèka rǐ ndìka okúya dò rò? Ndirò, fǎkà mǔlèmà tó mǔkimbà ní ádhi mà? Ní'iya tí obhó nyǐ ndi, yà àlě tó Ádrùngbǎle Yèsù rǐngo nínganí? ²⁰ Obhó nyú, okúku dò rò nga ní ndi mǎ mǎrí mǐlè, idhèka ràdù ndìka nǎ.

3

Polò rǐ Timòtewù òvì rǎrà Tèsàlònikà ǎ bhà-afí nópè dhu

¹ Ádzí mǎ mí inga òdɔ dhu níngyě mǎ rò, mǎ mála dhu mǎ rǎkǎ mǔkò vǐka dǎ rò Àtenè tó kígò ò. ² Ní, mǎ mǎdù adòkà Timòtewù nóvì rǎrà fǔrǎbvũ. Àbadhi ní ndi Kàgàwà bhà ìno, yà atdíkpá mǎ mǎrí Krístò dǎ róte Ídzì Mǎkǔrù núno mànà ìndrũ tò ale. Ní mǎ mǔvì ka fǔrǎbvũ,

ndíní afíkú nabhù tí ròtsì obi ndàdù nyìdì fùkú a'uta ǒ, ³ ndirò, ìnzì yà kòmbí nyí nyábàna àpbè adù tí atdí ale mà nábhu rùbhà pbindà a'uta. Obhó tí, nyí nyùni wà dhu, àlě ràrì ndi àpbè-tidò nábà àbà. ⁴ Ndirò, fùrábvù mǎ mí'ì òná kàsùmì ǒ, mǎ mǒvò wà dhu fùkù mǎti: àlě ràrì àpbè nábà. Ní, nyí nyùni wà dhu i dhu ràrì kǒkò rí 'ònzì. ⁵ Wò dhu-okú dò rò ní ndi, ima nyú mà átò ma mítdègu mingyě inga t'ódota nǐ, ní ma mǒvì Tímòtewù ràrà fùrábvù. Ma mǒvì ka ndíní adù tí ingo nyí nyáróko tí fùkú a'uta ǒ dhu tó màkùrù nà idù. Obhó tí, ma mǒnzì odòna dhu ní, akye ɛtrátába Sitanì rǎdù àrà nyǔtra, obìka rǎdù àwì kǒkórò dhu.

Tímòtewù àdu ndì nà màkùrù rí Pòlò-idhè nábhù rìka ndì dhu

⁶ Pbéù, kòmbí Tímòtewù níra wà àhu fùrábvù rò. Ní, kàwe wà idzi dhu nyú fùkú a'uta mà, fùkú àzè màná dǒ. Kàti, atdídǒ nyí rarí mǎrè bìlìnganà, ndirò atdyúku nyú rí'ì nyǎla mǎ tdítǒ, àdhàdhì mǎ mòzè mǎ rǎla nyí átò tdítǒ dhu bhěyi tí. ⁷ Ní ndi dhu bhěyi tí adódù, yà mǎ mí'ì òná àpbè mà, avuta màná nzínzì ǒ, fùkú a'uta ǒ nyí nyíkò tí dhu níbhò ndi obi afíka tò. ⁸ Kòmbí, mǎ mí mǐnè mběyi nyú, nyí nyíkò pòtsó Ádrùngbǎle Yèsù ò nídhuní. ⁹ Ìngbà òtsò-tidò ndi mǎ màdù àdunà Kàgàwà tò okúku dò rò, yà nyí nyú nyí nyàbhù idhèka rìka ndì tí Kàgàwà-ònzì okúku dò rò dhu dǒ? ¹⁰ Kúbhìngánǎ ndirò adyíbhengá màtí, mǎ mǎrí mǐtsò atdyúka nyú nà Kàgàwà rǒ, ndíní mǎ nabhù tí màla ngbǒku tdítǒ, màdù fùkú a'uta dǒ òdì dhu níse fùkù.

11 Kàgàwà àlě t'Ábanà nyú ndìtírò, àlě tó Ádrùngbǎle Yèsù mànà, náká ì rànḡbe otu fǎkà ndíní mǎ mowu tí ùvò fǔrǎbvù. 12 Ádrùngbǎle Yèsù àká ndìtrǒ nyí nyózè nyí nǐ nzínzíkù ǒ àzè, ndàdù kóró ngǔkpà ale nyí nyózè nǐ àzè nítrǒ átò, àdhàdhì mǎ mózè nyí dhu bhěyi. 13 Kàká ndàbhù afíkù ròtsì obi, ndíní adùya tí ì ìlìlǎ ró, ndìrò ìmbǎ afátá na àlě t'Ábanà Kàgàwà-ònzí, àlě tó Ádrùngbǎle Yèsù ríngò, ì rìwù atdíkpá ròná ale mànà nínganí.

4

Pòlò rǐ Yèsù ná'ù ale ònzi ròkò Kàgàwà-nyìkpó nǒfò dhu bhěyi dhu

1 Adódù, ngǎtsi dhu ní, mǎ mǒvò wà nyí nyàkǎnà nyúbhi Kàgàwà-nyìkpó nǒfò rádù dhu bhěyi dhu fǔkù. Obhó tí, nyí nyárí ndì dhu ònzi ònzi. Ní, kòmbí mǎ mònzi fukú, mǎdù ùyanà fǔkù Ádrùngbǎle Yèsù-òvò rǒ dhu ní yàrí: Nyí nyàká nyǒnzì ka mběyi nyú ròsè. 2 Obhó tí, nyí nyùnì wà yà fǔkù mǎ múyǎ ìngbǎ dhu bhěyi dhu-tidò mà rírà Ádrùngbǎle Yèsù bhà rò. 3 Kàgàwà ózè dhu ní, nyílǎ nyìkpóna ǒ, ndìrò ní nyǒdò nyí m̀nỳò̀nì rǒ rò. 4 Ndirò kǒzè dhu ní, ngǎtsi ale ròdò ngbǒna ilátá ǒ Kàgàwà-nyìkpó ǒ, ndìrò ifuta mànà dhu ǒ, 5 ìnzí ndàbhù ndì m̀nỳò̀nì ràtdù afína yà ìnzá Kàgàwà ǹnì ale náaróznina dhu bhěyi. 6 Wò ndì m̀ts̀-̀tidò ǒ, dhu àká nzá atdí ale mà rònzi nzérenga ɔdhìnà rǒ, ndùpò pbìndà ara dò. Obhó tí, Ádrùngbǎle Yèsù níit̀d̀iya kóró ì dhu bhěyi dhu-ànyǎ yà angyinǎ rò mǎ

múnò fùkù, mǎdù ùyanà mběyi nyú fùkù dhu bhěyi. ⁷ Obhó tí, Kàgàwà núnzì nzá àlě mǎnyòni t'ónzita tò. Pbétù, kúnzì àlě ndínì àlě koko tí ìlìlǎ ale tí nyìkpóna ǒ. ⁸ Ndi dhu bhěyi ní ndi, yàrí ɥyátá nòdhò ale, nódhò nzá ìndrù-tsù dhu, pbétù kòdhò dhu ní Kàgàwà bhà ɥyátá. Ka ní ndi pbìndà Ìlìlǎ-Alafí níbho arí fùkù.

⁹ Yèsù ná'ù ale rǐ 'òzè nzínzìya ǒ dhu dǒ, nyí nyí'ì mbǎ fùkù ka kí dhu àndí dhu-atdyú nà. Obhó tí, nyí nyú nyí-tírò, nyí nyúni wà nyí nyádù nyòzè nzínzìkù ǒ tí dhu Kàgàwà-rǒ. ¹⁰ Kòni ndi dhu kèlě ní ndi nyí nyarónzina Mǎkèdòniyà tó pbìrì ǒ arí'ì Yèsù ná'ù ale-rǒ kóró. Ní, mǎ mònzì nyí nyǒngò kònzì mběyi nyú tdítǒ. ¹¹ Nyònzì ɔbi nyòkò mǎrùngà ǒ: nyǎndà nyí nyóko tí dhu nyí-tírò, nyádù kasu ònzì otsúkù nyú nǐ dzùnàkù nɔnzì tí yà ma múyǎ fùkù dhu bhěyi. ¹² Ndi dhu bhěyi ní ndi, nyí nyónzina dhu rǎdù nyǎbhɛ iri ale rǐfɛ nyí, ìmbǎ nyádù ì'ì ìndrù rǐ dzùnàkù ònzì dhu-atdyú nà.

Pòlò rǐ dhu àndí Yèsù ì a'ù rórò ɥvè ale nùngbeya ì dhu dǒ dhu

¹³ Adódù, mǎ mòzè nzá nyòkò ìnzì nyúni iwà ì a'ù Yèsù rórò ɥvè ale dǒ dhu, akɥe nyí nyowuya òko izɛ ǒ, yà ìmbǎ arí'ì a'uta nà ngǔkpà ale bhěyi nǐ. ¹⁴ Obhó tí, àlě ká'ù wà dhu Yèsù ravè ndádù ndìngbè. Ní ndi dhu bhěyi tí, Kàgàwà abhùya kǎkà iwà ì a'ù Yèsù rórò ɥvè ale, rùngbe ì átò, 'àdù 'ùngbò Yèsù mǎnà.

¹⁵ Kànì Ádrùngbǎle Yèsù ɥno dhu-bvɛ rǒ mǎ móvɔna fùkù dhu. Yèsù rǐngo dhu rǒtùna

nyìkítóya nà àě nzínzì ǒ ale tírò, àě kokoya nzì angyi ùvùvè ale tò òrù-akpà-otù ǒ. ¹⁶ Obhó tí, màlàyíkà dǒ atdí ádrùngbǎle-tù mà, Kàgàwà bhà wàndà-tù mànà rǐ 'ìrì rò, Ádrùngbǎle Yěsù nyú ndìtírò nífoya òrù-akpà ò rò. Ndirò kàkà Yěsù Krístò ì a'u rórò uvè ale náadùya 'ùngbe angyi. ¹⁷ Ndi dhu-dzidǒ ní ndi, yà àě-nyìkító nà àě kòtù àě ndi kàsùmì ǒ rò, àě kadùya òdzì atdíkpá abádhí mànà àpbù ǒ, àě ràdù àě òtù Ádrùngbǎle Yěsù mànà awe ǒ. Ndi dhu bhěyi ní ndi, àě kóró àě kadùya òko bìlìnganà Ádrùngbǎle mànà òrù-akpà ò. ¹⁸ Ní, nyòngò afìkù nópè nzínzìkù ǒ wòrì òte nǐ.

5

Ádrùngbǎle Yěsù rǐngò ònà idhò

¹ Adódù, Ádrùngbǎle Yěsù níngoya ònà idhò mà, ndi kàsùmì mànà dǒ, nyí nyí ìmbǎ dhu-atdyú nà màndì dhu fùkù. ² Obhó tí, nyí nyú, nyí nyùnì wà dhu mběyi nyú, Ádrùngbǎle Yěsù rǐngò ònà idhò risíya ìnzá ka kùnì angyangyi rórò, ogbotále náarótsù idza kùbhìngánǎ dhu bhěyi. ³ Yà ìndrù rǎtina màrùngà rǎrǐ'ì kòmbí, ndirò òdòna ònzì ka kí dhu rǎrǐ'ì ìmbǎ rò ní ndi, dhu ìnzǎ rǐ dhu adùya ìsǐ abádhí dǒ. Abádhí rǎbàna àpbè náapíríya ndì ndìsǐ àdhàdhì ari nà tsìbhále-ò náarí ndàpírì uguta tò dhu bhěyi. Ní, atdí ale mà nógúya nzì abádhí nzínzì ǒ. ⁴ Pbétù nyí adódù, nyí nyí'ì ìmbǎ ìnò ǒ, ndìnǐ wòrì idhò adùya tí nyòtdì ogbotále bhěyi. ⁵ Obhó tí, nyí kóró nyí ní awáwù ǒ ale, adyíbhengá nga ǒ ale.

Àlě ní nzi kúbhingá nga ǒ ale, ínò ǒ ale. ⁶ Ní, dhu àkǎ nzá àlě ròdhò ngǔkpà ale-tsí bhěyi. Pbétù dhu àkǎ àlě ròkò àlě-nyìkpó nà, àlě ràdù àmbe àlě òdò dǒ mběyi. ⁷ Obhó tí, òdhò aródhò ale náaródhò kúbhingá, ndirò, òri aróri ale náaróri kúbhingá. ⁸ Pbétù àlě, adyíbhengá nga ǒ ale tírò, dhu àkǎ àlě ròdò àlě mběyi. Dhu àkǎ àlě rufǒ a'uta mà àzè mànà làtú tí àlě-odrù dǒ, àlě ràdù ògù àlě ká'ù dhu náfò sàbù tí àlě-dò rǒ. ⁹ Obhó tí, Kàgàwà núutri nzá àlě ndíní ìndrù-ànyǎ nítì ndí ndí nǐ pbìndà nàwí nísíya tí àlě-dǒ. Pbétù, kùtri àlě ndíní àlě kabáya tí ògù àlě tó Ádrùngbǎle Yěsù Krístò-otù ǒ. ¹⁰ Yěsù avè àlě-okú dǒ rò ndíní ndí ndíngo dhu nótù àlě àlě-nyìkpó nà màtí rò, ndirò kòtù àlě iwà àlě kùve ró màtí rò, àlě kadùya tí òko ípìrǒnga ǒ atdíkpá ndí mànà. ¹¹ Nírò, dhu àkǎ nyǒwù afikù òpè rǒ nzínzìkù ǒ, nyǎdù òwu nyìdì rǒ átò a'uta ǒ nzínzìkù ǒ yà nyí nyáí kònzì dhu bhěyi tí.

Yěsù ná'ù ale àkǎ 'òkò tí dhu

¹² Adódù, mà mònzì fukú ngǎtsi dhu ní, nyǒngò kǒkò nzínzìkù ǒ arí kasu ònzì ale nífu. I ale ní kǒkò nyǎnda arí Ádrùngbǎle Yěsù-òvò rǒ, 'àdù àmbe nyìkpókù itdyu dǒ nzérenga rǒ rò ale.

¹³ Nyí nyàkǎ nyífu abádhí atdídǒ ròsè, nyǎdù abádhí nózè yà abádhí arónzina kasu-okú dǒ rò. Nyí nyàkǎ nyǒkò màrùngà ǒ nzínzìkù ǒ.

¹⁴ Ndirò adódù, mà mònzì nyí nyǒvò dhu inzá inga nòfò dhu bhěyi aróko ale tò, nyǎdù afíya níngyě ì ale-afí nópè. Mà mònzì nyí nyǒnzì ivivi ngbǒya nà ale dzùnà, nyǎdù kóró ale-dzi nóndù.

15 Mǎ m̀nzi nyǐ átò nyǒdò nyǐ, ìnzǐ atdí ale mà ràdu nzérenga nzérenga nǐ. Pbétù dhu àkǎ nyǒnè ídzinga ònzi nyǐ nyǐ bìlìnganà nzínziku ǒ màtí ndirò kóró ale nzínzi ǒ màtí dhu kèlě.

16 Nyòngò òko bìlìnganà dhèdhe ǒ tí.

17 Nyòngò nyǐtsò ìnzǐ nyǐ nyúbhana rórò. 18 Rùkú ndì ǹnzì kóró dhu ǒ, nyòngò òtsò kèlě nádu Kàgàwà tò. Obhó tí, kǒkòrí ní ndi Kàgàwà ózè nyǒnzì Yèsù Krístò-òvò rǒ dhu.

19 Hǐlǎ-Alafí rǒnzina kasu àkǎ nzá nyǔtò tsùna.

20 Kàgàwà bhà pbànábí núuno dhu àkǎ nzá nyǒnzì gàyàna.

21 Pbétù, kóró dhu-ǒnga àkǎ nyǒvò, nyǎdù ídzi dhu tí rǐ'ì dhu ònzì.

22 Ndirò, nyòdo nyǐ kóró nzére dhu-tidò rǒ rò.

Polò rǐ Kàgàwà ònzi ràso Tèsàlònikà ǒ Kànisa dhu

23 M̀r̀ngà ìbho arí ìndrù tò Kàgàwà nyú ndìtírò nákǎ ndàbhu nyǐ nyǒkò pbìndà ale nyú tí. Kàkǎ ndòdò fùkú ípìrǒnga, afíku, atdyúku, ndirò ngbǒku mànà, ròkò ìmbǎ nzére dhu tí ka kózùna dhu rǐ'ì òyà, àlě tó Ádr̀ngbǎle Yèsù Krístò r̀ngo òná idho tò. 24 Nyǐ nunzi Kàgàwà ní ìnzǐ arí pbìndà irèta núwǔ ale. Ní ka ní ndi rǐ'ì dhu ǹnzì.

25 Adódù, nyòngò nyǐtsò d̀ká átò.

26 Nyòvì Yèsù ná'ù ale kóró atdyúku nyú nà.

27 Ma mìtdè nyǐ ìtdè tí Ádr̀ngbǎle Yèsù-òvò rǒ ndí'ì nyǐ nyozú tí yàrí bhàruwà Yèsù ná'ù ale tò kóró.

28 Àlě tó Ádr̀ngbǎle Yèsù Krístò àkǎ ndàso nyǐ.

Ungbòta-Ɔwátá Tó Bhǔkù

Ndrǔna: Ungbòta-Ɔwátá Tó Bhǔkù New Testament

copyright © 2015 Wycliffe Bible Translators, Inc.

Language: Ndrǔna (Ngit)

Contributor: Wycliffe Bible Translators, Inc.

All rights reserved.

2020-11-19

PDF generated using Haiola and XeLaTeX on 22 Feb 2024 from source files dated 29 Jan 2022

abb6c630-aaf1-5647-8172-605215e8fe12